

明紅絲
欄鈔本

百

家

詞



竹坡老人詞序

竹坡先生少慕張右史而師之稍長從李姑溪遊與之上下其議論由是盡得前輩作文關紐其大者固已掀揭漢唐凌厲騷雅燁然名一世矣至其嬉笑之餘溢爲樂章則清麗宛曲當是豈苦心刻意而爲之者哉昔

先生葵伯評近世之詞謂蘇子瞻辭勝乎情柳耆卿情勝乎辭辭情相稱者唯秦少游而已世以爲善評雖然耆卿不足道也使伯世見此詞當必有以處之矣凡一百四十八辭離爲三卷乾道二年上元日高

郵孫競序

竹坡老人詞目錄

卷第一

水龍吟 三

浣溪沙 七

卜算子 三

木蘭花 二

減字木蘭花 四

攤破浣溪沙 二

水調歌頭 四

沙塞子 二

鷓鴣天 十三

採桑子

西江月 七

小重山 二

卷第二

漢宮春 二

醉落魄 四

阮郎歸 三

青玉案 二

菩薩蠻 三

西地錦

謁金門

生查子 六

昭君怨

秦樓月

天仙子

漁家傲 五

南歌子 三

朝中措 五

虞美人 三

江城子 二

瀟湘夜雨 四

宴桃源 四

卷第三

滿江紅

定風波令

蝶戀花

未遇樂

驀山溪

品令

清平樂

浪淘沙

踏莎行

雨中花令

點降唇

臨江仙

好事近

酹江月

感皇恩

洞仙歌

賀新郎

蘇幕遮

一剪梅

千秋歲

風入松

憶王孫

木蘭花令

採桑子

竹坡老人詞卷第一

周紫芝 少隱

水龍吟

天申節祝

聖詞

黃金雙闕橫空望中隱約三山眇春皇欲降渚烟收
盡青虹正繞日到層霄九枝光滿普天俱照看海中
桃熟雲幡絳節冉冉度滄波渺 遙想建章宮
薰風月寒清曉紅鸞影上雲韶聲裡蒙天一咲萬國
朝光百蠻款塞太平多少聽堯雲深處人人盡視似
天難老

又題夢雲軒

楚山千疊浮空楚雲只在巫山住鸞飛鳳舞當時空
記夢中奇語曉日瞳朧夕陽零亂裊紅縈素問如今

依舊霏霏冉冉知他爲誰朝暮玉佩烟鬟飛動炯星
眸人間相遇嫣然一笑陽城下蔡盡成驚顧蕙帳春
濃蘭衾日暖未成行雨但丁寧莫似易臺夢斷又隨
風去

又

湏江望九華作

楚山木落風高暮雲黯黯孤容瘦天晴似洗明霞消
盡玉巒排秀九鳳飛來五雲深處一時輕矯恨三山
不見六鼇去後天空遠人將老

堪笑此生如寄信扁舟竭來江表望中愁眼依稀猶
認數峰林杪萬里東南跨江雲夢此情多少問何時
還我千巖萬壑卧霜天曉

浣溪沙

今歲冬溫近臘無雪而梅殊未放戲作浣溪沙
疊以望發奇秀

近牖風光一半休
南枝未動北枝愁
姮娥莫是見人羞
么鳳不傳蓬島信
杜鵑空辨鶴林秋
便須千枕打梁州

又

欲醉江梅興未休
待筇春瓮洗春愁
不成歡緒却成羞

天意若教花似雪
客情寧恨鬢如秋
趁他何遜在楊州

又

無限春情不肯休
江梅未動使人愁
東昏覩得玉奴羞

對酒情懷疑是夢
憶花天氣黯如秋
喚春雲夢澤南

州

又和陳相之題烟波圖

水上鳴榔不繫舩
醉來深閉短蓬眠
潮生潮落自年年
一尺鱸魚新活計
半簑烟雨舊衣冠
廟堂空畫圖看

又

多病嫌秋怕上樓
苦無情緒嬾擡頭
鴈來不寄小銀鈎

一點離情深似海
萬重淒恨黯如秋
怎生禁得許多愁

又

醽醁新醅碧玉壺
水精釵袅絳紗符
吳姬親手碎菖

蒲

綵索繫時新睡起
榴花剪處要人扶
心情還似去年
無

又

學画雙蛾苦未成
鬢雲新結翠鬟輕
伴人歌笑已多
情

飛絮亂花閑院宇
舞鸞歌鳳小娉婷
陽關休唱斷腸
聲

卜筭子 席上送王彥猷

江北上歸舟再見
江南岸江北江南
幾度秋夢裡朱
顏改

人是嶺頭雲聚散
天誰管君似孤雲
何處歸我似離

群鴈

又再和彥猷

霜葉下孤蓬舫在垂楊岸早是淒涼惜別時更惜年
華換

別酒解留人拚醉君休管醉裏朱絃莫謾彈愁入黍
差鴈

又西窓見剪榴花

絮盡柳成空春去花如掃窓外枝枝海石榴特爲幽
人好
密葉過流籬薄艷明芳少剪得花時却傍
闌樓上人垂手

木蘭花

長安狹邪中有高自標置者客非新科不得其門時頗稱之予當語人日相馬失之肥相士失之

瘦世亦豈可以是論人物乎戲作此詞爲花衢狹客一咲

姮娥天上人誰識家在蓬山烟水隔不應着意眼前人便登瀛誤當日客

雙眸炯炯秋波滴也解人間青與白檀郎來摘月邊枝柱是不教花愛惜

又

江頭雨後山如髻催送新涼風有意月來楊柳綠陰中秋在梧桐疎影外小窓紋簾涼如水歲歲年年同味此眼前不忍對西風夢裡更堪追往事

減字木蘭花

春閑晝永城下江深山倒影淨掃風埃收拾烟光入句來短窓閑倚身似浮雲門似水誰伴餘年結得青山一箇緣

又 內子生日

蓬萊三島上有青青千歲草玉佩烟鬟來作人間一笑歡
麻姑行酒萼綠華歌清韻裊玉秀蘭芳醉舞
東風綵袖長

又

大梁楊師醇奉親甚孝嘗于植木屏于堂後木未三尺而已着數花蓋造物者以娛萱堂老人也師醇以長短句分餉一枝竹坡作此解以贊之

西山巖桂常恨香聞烟雨外何似君家戲綵堂前早
試花 黃金千粟風撼芳條香馥馥一剪無多桃李
漫山奈俗何

又

晁別駕生日

當年文伯曾是東坡門下客文采風流奕葉傳芳撚
未休 爲公持酒願祝彩衣無限壽歸覲楓宸剝醉
長安幾度春

攤破浣溪沙 茶詞

蒼壁新敲小鳳團赤堊開印煮清泉醉扶纖纖雙玉
笋鷓鴣斑雪浪濺翻金縷袖松風吹醒玉酡顏更
待微甘回齒頰且留連

又 湯詞

門外青驄月下嘶映堦籠燭画簾垂一曲陽關聲欲
盡不多時鳳餅未殘雲脚乳水沉催注玉花甕忍
看捧甌春笋露翠鬟低

水調歌頭

十月六月於僕始生之日戲作此調為林下一
咲世固未有自作生日詞者蓋自竹坡老人始也

白髮三千丈雙鬢不勝垂人間憂喜如夢老矣更何
之遽玉行年過了未必如今俱是五十九年非擬把
彭殤夢分付與癡兒君莫羨客起舞壽瓊卮此生

但願長遣猿鶴共追隨
金印借令如斗富貴那能長
久不飲竟何爲
莫問蓬萊路從古少人知

又

王次卿歸自彭門中秋步月作

濯錦橋邊月幾度
照中秋年年此夜清景伴我與君
遊萬里相隨何處看盡共波越嶂更向古徐州應爲
霜髯老西望倚黃樓
天如水雲似掃素魂流不知
今夕何夕相對語
羈愁故國歸來何事記
易南枝驚鵲還對玉蟾羞
踏盡疎桐影更復爲君留

又

丙午登自鷺亭作

歲晚念行役
江濶渺風烟
六朝文物何在
回首更淒然
倚盡危樓傑觀暗
想瓊枝斜月羅襪步承蓮
桃葉山前鷺無語下寒灘
潮寂寞沒孤壘漲平月莫愁

艇子何處烟樹香無邊王謝堂前雙燕空繞烏衣門
巷斜日草連天只有臺城月千古照嬋娟

又

雨後月出西湖作

落日在烟樹雲水兩空濛澹霞消盡何事依約有微
紅湖上晚來風細吹盡一天殘雨蒼翠濕千峰誰遣
長空月冷浸玉壺中問明月應解笑白頭翁不堪
老去依舊臨水照衰容良夜幾橫烟棹獨倚危檣西
望目斷遠山重但恨故人遠此樂與誰同

沙塞子

中秋無月

秋雲微淡月微羞雲黯黯月彩難留只應是嫦娥心
裏也似人愁幾時回步玉移鈎人共月同上南樓
却重聽画闌西角月下輕謳

又席上趙戒叔時東南方擾

玉溪秋月浸寒波
忍持酒重聽驪歌
不堪對綠陰飛閣
月下羞娥
夜深驚鵲轉南柯
慘別意無奈愁何
他年事不須重問
轉更愁多

鷓鴣天

荷氣吹涼到枕邊
薄紗如霧亦如烟
清泉浴後花垂雨
白酒傾時玉滿船
釵欲溜
髻微偏
却尋霜粉撲香綿
水肌近着渾無暑
小扇頻搖最可憐

又七夕

烏鵲橋邊河漢流
洗車微雨濕清秋
相逢不似長相憶
一度相逢一度愁
雲却靜
月垂鈎
金針穿得喜回頭
只應人倚闌干處
便似天孫梳洗樓

又 李彥恢生日

尊酒年年樂事多古銅猶得幾摩挲
他時人物君須記玉笋班中李泰和
煩翠袖把金荷功名餘事且高歌
新來學得長生訣寫就黃庭不換鵞

又

名在休文季孟間一時風味更蕭然
瓊林不逐春風老安用丹砂巧駐顏
春入戶酒吹瀾小桃枝上錦闌班
明年欲與君爲壽無路相從入道山

又

和劉長孺有贈

裊裊雲梳曉髻堆涓涓秋爭眼波回
舊家十二峰前住偶爲襄王下楚臺
閑院靜小桃開劉郎前度幾回來
東風易得行雲散花裏傳觴莫謾催